



КАНОН
С АКАФИСТОМ
ПРЕПОДОВНОМУ ОТЦУ НАШЕМУ
АГАПИТУ
ПЕЧЕРСКОМУ ЧУДОТВОРЦУ

**КАНОН
С АКАФИСТОМ
ПРЕПОДОВНОМУ ОТЦУ НАШЕМУ
АГАПИТУ
ПЕЧЕРСКОМУ ЧУДОТВОРЦУ**



Υποστήριξη Κληρονομιάς Εκκλησιαστικής Δοξασίας

2011

Во славу Святѣя, Единосущныя,
Животворящия и Неразделимыя Троицы,
Отца и Сына и Святаго Духа
благословѣнием Блаженнейшаго Владимира,
Митрополита Кіевскаго и всея Украины,
священноархимандрита
Кіево-Печѣрския Успенскія Лавры,
при Намѣстнике
Высокопреосвященнейшем Павле,
архиепископе Вышгородском,
напечатася книга сия —
Канон с акафистом
преподобному отцу нашему
Агапиту, Печѣрскому чудотворцу
в тойже
Святой Кіево-Печѣрской Успенской Лавре
в лето от сотворѣнія міра 7519,
от Рождества же по плоти
Бого Слово 2011



КАНОН С АКАФИСТОМ
ПРЕПОДОБНОМУ ОТЦУ НАШЕМУ
АГАПИТУ, ПЕЧЕРСКОМУ
ЧУДОТВОРЦУ

(память 1/14 июня)

Господи Иисусе Христэ, моли́тв ра́ди Пре-
чи́стыя Твоея́ Ма́тере и всех святы́х, по-
ми́луй нас, ами́нь.

Сла́ва Тебе́, Бо́же наш, сла́ва Тебе́.

Царю́ Небе́сный... Трисвято́е. Сла́ва, и ны́-
не... Пресвята́я Тро́ице... Го́споди, поми́луй,
три́жды. Сла́ва, и ны́не... Оче наш...

Го́споди, поми́луй, 12 раз. Сла́ва, и ны́не...
Прииди́те, поклони́мся, три́жды.

И псалом 142:

Го́споди, услы́ши моли́тву мою́, внуши́ мо-
ле́ние моё во и́стине Твое́й, услы́ши мя в





правде Твоей; и не вниди в суд с рабѣм Твоимъ, яко не оправдѣтся предъ Тобою всякъ живой. Яко погна врагъ дѣшу мою; смирилъ есть в зѣмлю живѣтъ мой; посадилъ мя есть в тѣмныхъ, яко мѣртвыя вѣка. И уны во мнѣ дух мой, во мнѣ смятѣся сѣрдце моѣ. Помянухъ дни дрѣвнѣя, поучихся во всехъ дѣлахъ Твоихъ, в творѣнѣихъ рукѣ Твоею поучахся. Воздѣхъ къ Тебѣ рѣще мой: дѣша моя яко зѣмля безводная Тебѣ. Скорѣ услыши мя, Гѣсподи, исчезѣ дух мой; не отврати лица Твоегѣ от менѣ, и уподѣблѣся низходящимъ в рѣвъ. Слышану сотвори мнѣ заутра мѣлѣсть Твою, яко на Тя упѣвахъ: скажи мнѣ, Гѣсподи, пѣтъ, в ѣныже пойду, яко къ Тебѣ взяхъ дѣшу мою. Изми мя отъ врагъ моихъ, Гѣсподи, къ Тебѣ прибегѣхъ. Научи мя творѣти волю Твою, яко Ты еси Богъ мой; Духъ Твоѣ Благѣй наставитъ мя на зѣмлю праву. Именѣ Твоегѣ ради, Гѣсподи, живѣши мя правдою Твоею; изведѣши о печали дѣшу мою; и мѣлѣстью Твоею потребѣши враги моя, и погубѣши вся стужающѣя дѣши моѣй, яко азъ рабъ Твой есмь.

Слава, и нынѣ... Аллилуѣа, трижды.





Тропáрь, глас 5:

Богонóснаго Антóния ревнóя смиренномú-
дрию, áки нéким врачевствóм, зéлием снéd-
ным исцеля́л еси́ боля́щыя, преподóбне Агá-
пите, тем и врачá неvéрна увéрив, наста́вил
еси́ на путь спасéния, уврачу́й и на́ша болéз-
ни, и моли́ся Гóсподеви о воспева́ющих тя.

Сла́ва, и ны́не, Богоро́дичен:

Ра́дуйся, двéре Гóсподня непроходíмая;
ра́дуйся, стенó и покрóве притека́ющих к
Тебе́; ра́дуйся, необурева́емое приста́нище и
Неискусобра́чная¹, рóждшая плóтию Творца́
Твоего́ и Бóга, моля́щи не оскудева́й о воспе-
ва́ющих и клáняющихся Рождеству́ Твоему́.

Псалóм 50-й: Помíлуй мя, Бóже...

КАНОН

Песнь 1, глас 6:

Ирмóс: Я́ко по сýху пешешествовав Изра́иль, по
бéдне стопáми, гонíтеля фараóна ви́дя потопляе-
ма, Бóгу побéдную песнь по́йм, вопия́ше.

Припéв: Преподóбне óтче Агáпите, моли́ Бóга
о нас.

¹ не испытывавшая брачного состояния





Яко немаго дрэвле прикосновѣнием устроѣил еси́ право глаго́лати, си́це и мне, Христе́ мой, язы́к разреши́, ум отве́рзи, да принесу́ в па́мять уго́дника Твоего́ хвале́ние любóвию пою́щи.

Не могу́ воспѣти́ я́сно благода́ти твоея́, преподо́бне, а́ще не ты моли́твами твои́ми пода́си мне по́мощь, да просла́влю Влады́ку, да́вшаго тебѣ благода́ть исцелѣ́ний, во хвале́нии пою́щи.

По преду́ведению воззва́н был еси́, свя́те, в след Влады́ки своего́ шествовати, и тому́ послѣ́дуя, вся кра́сная ми́ра оста́вль, любóвию пришѣ́л еси́ к вели́кому Анто́нию, и с ним пожи́л еси́, непреста́нное хвале́ние Бо́гу пою́щи.

Сла́ва: Земно́му а́нгелу и небѣ́сному челове́ку послѣ́дуя, и сам а́нгельское жити́е стяжа́л еси́, о́тче преподо́бне. Тем тво́я исправле́ния почита́ем, и прославля́ем всех Влады́ку, о тебѣ́ песнь Е́му пою́ще.

И ны́не: От земны́х и небѣ́сных сил сла́вимая Присноде́во, в днѣ́шний день хвале́ние Тебѣ́ дерза́ющих приноси́ти, от всех прило́-





гов сохраняй, да вѣну Тя воспоём, Обрадо-
ванная.

Песнь 3

Ирмос: Нестъ свят, якоже Ты, Господи Бóже мой,
вознесый рог вѣрных Твоих, Блáже, и утвердивый
нас на камени исповѣдания Твоего.

Во многѣх лѣтах множайшыя прошёл еси
труды, Агáпите, подвизáясь во бдѣнии и по-
щѣнии, дóндеже единокрáвен показáлся еси
настáвнику своему, и от него утвердился на
камени твёрдаго житiя.

Ничтóже ино, тóкмо нищету имѣя, обни-
щáвшему нас рáди Христу последовал еси,
óтче, и Тогó заповеди храня, служил еси
больным, посещáя и упокоевáя, и здравие
тем молитвою своєю подавáя.

С преподóбным жительствуя, стяжáл еси
преподóбство, достохвáльне Агáпите, и ис-
целения даров сподóбился еси, яко молит-
вою и зѣлием снѣдным здравие подавáл еси
болящим, тѣмже и врач нарѣклся еси без-
мѣздный².

² оказывающий страждущим помощь без платы





Сла́ва: Просла́вил еси́ Бо́га во удесе́х твои́х, преподо́бне, те́мже и Бог тя просла́ви благода́тию исцеле́ния, ѿмже и на́ша неду́ги уврачу́й душе́вныя и теле́сныя, да утверди́мся на ка́мени испове́дания Бо́жия.

И ны́не: Израсти́вшая живо́тное дре́во, То́го плодо́м нас умерщвле́нных греха́ми оживи́, и да́руй нам, Ма́ти Чистая, крёпкое бла́гости Твоея́ испове́дание.

Седáлен, глас 4:

Яко ту́не приёмы́й от Бо́га дар исцеле́ния, стра́ждущим исцеле́ние ту́не подае́ши с ве́рою к тебе́ притека́ющим. Те́мже и мы, кла́няющиеся ра́це³ мо́щей твои́х, о́тче преподо́бне, про́сим при́яти от тебе́ неду́гом на́шим исцеле́ние.

Сла́ва, и ны́не, Богоро́дичен:

К Твоему́ благоутро́бию в ско́рбех притека́юще, мо́лимся, Всенепоро́чная, пода́ждь преподо́бнаго Твоего́ ра́ди нам, неду́ги одержи́мым, ско́рое исцеле́ние.

³ гроб, место упокоения тела





Песнь 4

Ирмосъ: Христосъ моя сила, Бог и Господь, честная Церковь боголепно поёт, взываючи, от смысла чиста, о Господе празднующи.

Буйя мира сего Христосъ избра, да премудрыя посрамит, еже и на тебе сбытся, отче всеблаженне: благодатию бо, а не хитростию премудраго посрамил еси врача. Тем ты славим, о Господе празднующи.

Прельстися иже первее больных прельщаше, извещая им день и час смерти: емуже ты поносив, преподобне, болящаго исцелил еси молитвою и зелием снадным, рек: даждь славу Богу, имущему ключ живота и смерти.

Зависти стрелою злочестивый арменин уязвен, поношаше ти, святе, и послав на смерть осужденнаго, повеле пред тобою умертвити былием смертоносным. Но ты сего молитвою и зелием исцелив, посрамил еси еретика, хотящаго тя посрамити.

Слава: Претыкающемуся данная ти благодать бысть падение, преблаженне, наипаче бо на ты вооружився злочестивый арменин,





наусті дати тебѣ отраву: но ты и смѣрно испив, невредимъ был еси, яко Божія благо-
дать сохрани ты к большому чудодѣйствію.

И нынѣ: Радуйся, сосуде, носившій міро,
исцелившее род человѣческій, ядом мя греховным умерщвленна оживи, да прочее вре-
мя цел поживу, Тя, Дѣво, восхваляючи.

Песнь 5

Ирмос: Божиим свѣтом Твоим, Блаже, утренюющих
Тя души любовію озари, молюся, Тя вѣдети, Слово
Божій, истиннаго Бога, от мрака греховнаго вызы-
вающа.

От Бога благодать исцелѣнія приѣмъ, ис-
целил еси князя, иже аще и врачуемъ бе от
арменина, но не получае отрады, твоего же
зѣлія вкусив, от недуга избавися.

Зрите, иночествующии, и добродѣтельному
терпѣнію Богоноснаго отца почудитесь, како
со отречѣніем міра воли своея отречеса, и
не изыде никогдаже вне врат монастырских,
ѣже видяще, сему поревнуйте.

Едину любовь ко всем имущи, а не на лице
зрящи, аще князь, аще прост к тебѣ прихо-





ждаше, преподобне, всем приходящим подавал еси исцеление туне, единого ища возмездия от Бога.

Слава: Приемь князь тобою исцеление, всеблаженне, уразумё, яко истинен раб Божий еси, и видети тя желаше. Тёмже прииде к тебе с дары: ты же, единого имея Бога, нивчтоже от тех даров восхотёл еси прияти.

И ныне: Хвалим Тя, Пречистая Дево, яко отверзаеши нам двери милости Твоея, и подаеши всем независтный источник исцеления, от яда греховнаго избавляющий.

Песнь 6

Ирмос: Житейское море, воздвизаемое зря напастей бурею, к тихому пристанищу Твоему притек, вопию Ти: возведи от тли живот мой, Многомилостиве.

Вся тленная мира сего оставив, принесённое злато извергл еси, блаженне, пред враты келлии своей, извергая вкупе любобоименнаго⁴ врага, и стирая душегубную того главу.

⁴сребролюбивого, алчного к богатству





Един Бисер стяжав Многоценный, Иисуса, вся во уметы вменил еси, святе, и тем купил еси себе селение в небесных, еже и мы получитьи молимся твоими, отче, молитвами.

Многими леты постясь, изнемогл еси телом, преподобне, но духом пребыл еси крепок, аки столп, вся наносимая терпя, и благодаря Бога, к Немужызывал еси: возведи от тли живот мой, Многомилостиве.

Слава: Телом болѣзнуя, духом брался еси с злочестивым арменином, иже по триех днех смерть тебе провозвещаше: сего ты, блаженне, одолел еси, по триех мѣсяцех отшествие свое к Богу возвещая.

И ныне: Во Твое чрево, Пренепорочная Дѣво, всельшееся Слово, род человеческий в небесных двѣрех всели. Умоли Того от тлѣния мя сей жизни преселити, идеже потоком сладости питаются святѣи.

Кондак, глас 6:

Врач сый изряден, чудне, являя несумненную твою веру, обличая же армениново неверие, и приводя его к благочестию, себе





близ смѣрти бѣвшу, испросил еси от Бога продолженіе животѣ, и сим чудом того удѣлив, привел еси Христоу, Емуже в веселіи предстоѣ, молися о нас, преподобне.

АКАФИСТ

Кондак 1

Избранный учениче великаго учителя, преподобнаго и Богоноснаго отца нашего Антонія, и дивный подражателю житія его святаго, святе отче Агапите, пѣснью восхваляем тя с любовью, заступника нашего: ты же, яко имѣяй дерзновеніе ко Господу, молися выну о спасеніи нас грѣшных, от всяких бед избавляя зовущих ти: Радуйся, Агапите, душевных и телесных недугов скорый целителю.

Икос 1

Ангелом любезную чистоту от юности Твоея возлюбив, блаженне Агапите, к добродѣтелей подвижнику, преподобному Антонию притекл еси, и от него во иночество облеченный, подражатель ревност-





ный подвиг его был еси: темже славим
тея воззвании сими:

Радуйся, Богоносного Антония добродетелей и даров наследниче.

Радуйся, на высоту совершенства духовного восшедый.

Радуйся, молитвами усердными дар врачевания и чудотворения от Господа получивый.

Радуйся, из глубины души воздыхании чистоту душевную стяжавый.

Радуйся, Агапите, душевных и телесных недугов скорый целителю.

Кондак 2

Видев всевидец Господь благое души твоея изволение, блаженне Агапите, еже поработати Ему безленостно, внуши преподобному Антонию благословити тя на жестокое и острое в пещернем затворе житие. Ты же благословение святое с верою приемь, в пещере покой вечный обрел еси, Единому Богу работая в пении, бдении и пощении, немолчно воспевая Ему: Аллилуиа.





Икос 2

Разумѣв преподѣбный Антоній произво-
лѣние Божіе возсіяти в сем иноце вельми
благоугодным начинаніем и душеспаситель-
ным намѣреніем, изобильно насытил еси его
духовною сладостию и в добродѣтелях укре-
пил еси, сего ради вопіем ему таковая:

Радуйся, преподѣбнаго Антонія нравы себе
усвоивый.

Радуйся, того житію усердно поревно-
вавый.

Радуйся, сыновнюю любовь к нему стя-
жавый.

Радуйся, и от него zelo возлюбленный.

Радуйся, самовидче его подвигов.

Радуйся, во врачевании недугов ему спо-
спешествующий.

Радуйся, Агáпите, душевных и телесных
недугов скорый целителью.

Кондак 3

Силою Божіею укрепляемый, святе Агá-
пите, великія иноческия труды подъял еси,
сего ради благословися дело рукú твоёю во





сла́ву и́мени Господ́ня, на спасе́ние и враче-
ва́ние всѣхъ, с ве́рою и наде́ждою к тебѣ при-
тека́ющихъ и неле́нотно возно́сящихъ песнь
Пресвяте́й Трѡице: Аллилу́иа.

Икос 3

Име́я по́мысл чистъ и непоро́чну со́весть и
па́мятуя Рѣкшаго: «Бо́ленъ бехъ и посети́те
Мене́... поне́же сотвори́те еди́ному отъ сихъ
бра́тий Моихъ ме́ншихъ, Мне сотвори́те», не-
дугующихъ ино́ковъ подъ свой покрѡвъ оте́чески
прие́мля, я́коже роди́тель ча́да своѣя, утѣшалъ
ея́, отра́ду своѣмъ попече́ниемъ подава́я и оте́-
ческою ла́скою тя́жесть боле́зни обле́гчая,
моли́твою со о́дрѣ боле́зни воздви́залъ ея́. Сего́
ра́ди приими́ отъ насъ благохва́ленія⁵ тако́вая:

Ра́дуйся, въ добродѣ́теляхъ благоиску́сный
подви́жнике.

Ра́дуйся, во Христе́ всю бра́тию мона́ше-
скую возлю́бивый.

Ра́дуйся, неду́жныхъ ино́ковъ смире́нный и
неусы́пный служи́телю.

⁵ добрые похвалы (2 Кор. 6, 8)





Ра́дуйся, за по́двиги вре́меннаго жити́я по-
ко́й ве́чный обрети́й.

Ра́дуйся, Ага́пите, душе́вных и теле́сных
неду́гов ско́рый целите́лю.

Конда́к 4

Бу́рю многомяте́жнаго жите́йскаго мо́ря
безбе́дно прошёл еси́, блаже́нне, и в при́стань
безстра́стия дости́гл еси́, окормля́емъ за́по-
ведями Христа́ Бо́га, я́же бы́ша свети́льник
нога́ма тво́йма и све́т стезя́м тво́йм. Те́мже
ны́не в го́рних оби́телех водворя́ешися, сла́д-
це по́я Триеди́ному Бо́гу: Аллилу́иа.

Икос 4

Слы́шавше мно́зи о Богоуго́днем жити́и
тво́ем, блаже́нне Ага́пите, прихожда́ху к те-
бе́: о́ви послу́шати поуче́ний тво́их, о́ви ис-
целё́ния от разли́чных неду́гов при́яти, ихже
ты с оте́ческою любóвию приёма́я, руково́д-
ствовал еси́ ко спасе́нию, отгона́я всяк неду́г
и вся́ку немо́щь. Сего́ ра́ди и мы прибега́ем к
тебе́, вели́кому помо́щнику и целите́лю, сла́-
вяще тя си́це:





Ра́дуйся, безмо́лвия любите́лю, оби́тель
по́двиги свои́ми украси́вый.

Ра́дуйся, спасе́ния мно́гих ду́ш челове́-
ческих вино́вниче.

Ра́дуйся, боле́знующих греха́ми врачу́ бла-
гоиску́сный.

Ра́дуйся, во́ине Христо́в, полки́ невидимых
враго́в победи́вый.

Ра́дуйся, бли́жняя твоя́ и́скренне возлюбй-
вый.

Ра́дуйся, спасе́нию их душе́вному и исце-
ле́нию теле́сному усер́дно послужи́вый.

Ра́дуйся, Ага́пите, душе́вных и теле́сных
неду́гов ско́рый целите́лю.

Конда́к 5

Боготе́чное свети́ло быв, уго́дниче Бо́жий,
всех к Со́лнцу Пра́вды, Христу́, путево́дил
еси́ о́бразом жити́я твоего́ свята́го, и́же все
бысть посвяще́но на служе́ние Богу и бли́ж-
ним твои́м. Ни́щия и убо́гия ми́лостивно
пита́л еси́, те́мже блаже́нство ми́лостивых
унасле́довал еси́, и со святи́ми пое́ши ве́чно
хвале́бную песнь: Аллилу́иа.





Икос 5

Вѣдим тя, блаженне ѡтче Агапите, достигшаго в мѣру мужа совершенна о Христѣ и преисполненна дарований Божественных, в Евангелии Христовом обетованных вѣрным последователем Бога Слова. Тѣмже, чудящеся твоим подвигом, поем ти хвалѣбно:

Радуйся, во глубинѣ сердца Бисер Драгій, Господа Иисуса Христа, обретій.

Радуйся, имя Его Божественное во устѣх и в сердце своем вѣну имевый.

Радуйся, на земли алкавый и жаждавый, нынѣ же нетлѣнные пищи на Небесѣ насыщаѣйся.

Радуйся, нищетѣ хранивый, нищих от глѣда избавляѣй.

Радуйся, иго Христова благое и легкое искренне возлюбивый.

Радуйся, Агапите, душевных и телесных недугов скорый целителю.

Кондак 6

Проповѣдник быв житіем твоим евангельских добродѣтелей, ѡтче блаженне, плоть





твою постом и молитвою духу поработил еси, и во славу Божию пожил еси: лучами своих подвигов злобного врага, арменина нечестиваго, завистию и гневом палимаго, и своими злостными ухищрениями веселящагося, не только посрамил еси, но и к свету Христовой истины привел еси, поучая за все благодарити и славословити Господа, поя Ему: Аллилуиа.

Икос 6

Возсияв в пещере святых обители сей, яко богоносное светило, блаженне Агапите, светом добрых дел и врачеваний умилил еси души и сердца человеков, и нечестиваго врача и завистника и его безстыдное⁶ безверие посрамил еси. Тем убо тебе, святому и блаженному угоднику, умильно зовем:

Радуйся, врачевание нечестиваго арменина посрамивый.

Радуйся, обреченнаго на смерть тем же арменином недугующаго со одрѣ болѣзни воздвигнувый.

⁶ бесстыдное, наглое





Ра́дуйся, осужде́ннаго на смерть и напо́ен-
наго смёртным я́дом, чуде́сно исцели́вый и
от смёрти изба́вивый.

Ра́дуйся, испивый смёртный яд от врага́,
и по сло́ву Господню: «Аще и что смёртно
испию́т, не вре́дит им», живо́т⁷ невредимый
сохрани́вый.

Ра́дуйся, злобу́ и кова́рство враго́в своих
посрами́вый.

Ра́дуйся, Ага́пите, душе́вных и теле́сных
неду́гов ско́рый целите́лю.

Конда́к 7

Хоте́ние еди́ное имёл еси́, блаже́нне о́тче,
е́же Бо́гу угожда́ти и спасе́нию душе́вному и
здрави́ю теле́сному бли́жних твои́х благоче́ст-
но служи́ти. Те́мже келли́я тво́я пеще́рная
бысть враче́бница благоо́ти́шная вся́кому че-
лове́ку ни́щему и бога́тому, кня́зю и убо́гому.
Ты же, еди́ное в се́рдце имее́: всем вся бы́ти,
врачевáл еси́, не взира́я на лице́, призывáя
всех кúпно се́рдцем и усты́ немóлчно возгла-
ша́ти Богу: Аллилу́иа.

⁷ жизнь





Икос 7

Новаго ты чудотворца великаго позна́ сла́в-
ный князь Влади́мир Монома́х, на одре́ бо-
лѣзни возлежа́, пребыва́я при кончи́не свое́й,
слѣзно моли́л еси́ тя притещи́ и исцели́ти
его́. Но ты, мона́шеский обѣт соблюда́я ни-
коли́же стен оби́тели оставля́ти, посла́л еси́
зѣлие от трапѣзы свое́я, и князь, вкуси́в его́,
здрав восста́. Таковѣ́й си́ле твоего́ чудотво-
ре́ния и нелицепри́ятія дивя́щегося, вопие́м
ти хвале́бно:

Ра́дуйся, крине́ пещѣ́рнаго прозябе́ния.

Ра́дуйся, ми́ра Христо́ва благоуха́ние.

Ра́дуйся, не сокры́вый тала́нт врачева́ния,
тебе́ Домовлады́кою вруче́нный.

Ра́дуйся, ра́ди си́льных ми́ра сего́ обѣта
ино́ческаго не нару́шивый.

Ра́дуйся, сла́вы ра́ди вы́шняго зва́ния сла́-
ву челове́ческую нивочто́же вмени́вый.

Ра́дуйся, я́ко вели́каго кня́зя Влади́мира Мо-
нома́ха с одра́ сме́ртнаго недуга́ бы́лием, тобо́ю
благослове́нным, и моли́твою подъя́л еси́.

Ра́дуйся, Ага́пите, душе́вных и теле́сных
недуго́в ско́рый целите́лю.





Конда́к 8

Стра́нника и пришельца в ми́ре сем помышля́л еси́ себѣ бы́ти, Ага́пите блаже́нне, те́мже о бога́тстве земне́м вся́кое попече́ние отложи́л еси́. Вся́кое стяжа́ние сѹетное возбра́няя, приходя́щих к тебѣ разделя́ти досто́яние своѣ с ни́щей бра́тиєю, и в ея́ лице́ Само́у Христу́ служи́ти, поуча́л еси́, немол́чно воспѣвая хвале́бную песнь: Аллилу́иа.

Ико́с 8

Весь в Бо́же быв, о́тче блаже́нне, о Бо́же и угожде́нии Ему́ при́сно поуча́л еси́, умоля́я ничто́же предпочита́ти па́че любве́ Христо́вы и па́мятуя рече́нное Христомъ: «Не собира́йте себѣ сокрови́ща на земли́, иде́же моль и ржа⁸ истребля́ют, а собира́йте себѣ сокрови́ща на небеси́», — не пожела́л еси́ ра́ди благъ в́ременныхъ лиш́итися благъ вѣ́чныхъ, отверга́л еси́ вся да́ры, тебѣ кня́зем приноси́мая, поуча́я раздава́ти их ни́щей бра́тии и убо́гим. Те́мже и мы таково́е твоѣ нищелю́бие восхваля́я, зове́м ти си́це:

⁸ ржавчина





Ра́дуйся, блаже́нство ни́щих ду́хом уна-
сле́довавый.

Ра́дуйся, нищету́ па́че бога́тства возлю-
би́вый.

Ра́дуйся, мзду за свое́ врачевание отве́ргий
и разда́ти ю ни́щым и убо́гим повеле́вый.

Ра́дуйся, послéдняя укру́хи⁹ хлéба своего́ с
неиму́щими разделя́ти поуча́вый.

Ра́дуйся, любóвь к Бо́гу любóвию к бли́ж-
ним своимъ свидéтельствова́вый.

Ра́дуйся, похвала́ми моли́твенными до днесь
в оби́тели Пече́рской зело́ почита́емый.

Ра́дуйся, Ага́пите, душе́вных и теле́сных
неду́гов ско́рый целите́лю.

Конда́к 9

Всем приходив́шим в оби́тель моли́тв и вра-
чевания́ ра́ди, блаже́нне о́тче, дивно́ бысть
ви́дети тебé, нищетно́ в кéллии твоéй пре-
быва́ющаго, оба́че ты всех ра́вною любóвию
приéмля, кому́ждо сло́во утешéния или́ ис-
целéние подава́л еси́, науча́я пéти Вино́вни-
ку всех блаѓих Богу: Аллилу́иа.

⁹ куски, ломти





Икос 9

Витія¹⁰ многовещанныя не возмогут достойно воспѣти подвиги и чудотворения твоя, блаженне Агáпите, мы же таковому житію твоему дивящся, дерзаем венчати тебе, áще и недостойнии, похвалами таковыми:

Рáдуйся, на скрижа́лех сѣрдца твоего́ Законъ Христо́в написавый.

Рáдуйся, от глубины́ серде́чныя до́брая и душеспаси́тельная наставле́ния челове́ком износи́вый.

Рáдуйся, пеще́рный гражда́нине, гра́ды и ве́си напо́лненный сла́вою твои́х чудотворе́ний.

Рáдуйся, Бо́гом возлю́бленный и бли́жними твои́ми благословля́емый.

Рáдуйся, о́браз соверше́нства о Христѣ в себѣ яви́вый.

Рáдуйся, и́го Христо́во, благо́е и ле́гкое, и́скренне возлю́бивый.

Рáдуйся, Агáпите, душе́вных и теле́сных неду́гов ско́рый целите́лю.

¹⁰ ораторы





Конда́к 10

Спасе́ния наде́жду стяжа́л еси́ при исхо́де тво́ем, блаже́нне о́тче Ага́пите, и я́ко пше́ница зре́лая во вре́мя пожа́тая, кончи́ною благо́ю пресели́лся еси́ в день, тебё́ пре́жде предука́занный Го́спodem во оби́тели го́рня, при́яти мзду от руки́ Пра́веднаго Мздо́возда́теля Христа́, Иже вчини́ ду́шу твою́ со ду́хи святы́х, немóлчно возглаша́ющих пред престо́лом Сла́вы Его́ побéдную песнь: Аллилу́иа.

Икос 10

Царя́ Небе́снаго Христа́ ве́рный раб и послéдователь был еси́, о́тче Ага́пите, те́мже по нелóжному Его́ глаго́лу: «Иде́же есмь Аз, ту и слуга́ Мой бу́дет», мы, чту́щии тя, ве́руем несумне́нно, я́ко ты со Христо́м во оби́телях блаже́нства ве́чнаго водворя́ешися и ра́дости нетле́нныя наслажда́ешися, я́ко и́стинный Того́ уго́дник, от нас же услы́ши благохва́ления сия́:

Ра́дуйся, предска́зания нечесті́ваго армени́на о тво́ей сме́рти посрами́вый.





Ра́дуйся, о дне твоея́ блаже́нныя кончи́ны
от Го́спода изве́щенный.

Ра́дуйся, ду́шу твою́ в ру́це Го́спода ра́достно
преда́вый.

Ра́дуйся, открове́нным лице́м сла́ву Три-
си́яннаго Божества́ созерца́яй.

Ра́дуйся, те́лом сме́ртным в пеще́ре с на-
ста́вником твои́м, преподо́бным Анто́нием,
погребённый.

Ра́дуйся, душе́ю безсме́ртною к Сио́ну го́р-
нему воспары́вый.

Ра́дуйся, Ага́пите, душе́вных и теле́сных
неду́гов ско́рый целите́лю.

Конда́к 11

Пе́ние Пресвяте́й Богоро́дице прино́сиши,
блаже́нне о́тче наш Ага́пите, о оби́тели тво́ей
святе́й и подви́зающихся в ней, и о всех, с
любо́вию к тебе́ притека́ющих, при́сно хода́-
тайствуеши, прося́ ми́ра свы́ше и благопо-
спешéния всем возно́сящим достодо́лжныя¹¹
похвалы́ Триеди́ному Богу, воспева́я Ему́:
Аллилу́иа.

¹¹ справедливые, достойные





Икос 11

Светильника ты добрых дел, блаженне отче, исповедуем быти и прославляем прославляшаго ты Господа, иже чудесы многими мощи твоя ознаменовал: струи бо исцелений благодатных источаеши от них недужным, и подвижаеши верных вопити тебе:

Радуйся, земный ангеле и небесный человеке.

Радуйся, безмездного врачевания источниче.

Радуйся, мира многоцелебного преисполненный фиа́ле.

Радуйся, от раки твоея святых исцеления обильно подавая.

Радуйся, скорбящих утешителю.

Радуйся, унывающих ободрителю.

Радуйся, Агапите, душевных и телесных недугов скорый целителю.

Кондак 12

Благодать Господню испроси нам, отче Агапите, почитающим с любовью святую память твою и усердно притекающим к честней раце мощей твоих, от неяже чудесныя исцеления





подаёши недужным. Тебё бо, чудотворёния даром от Бóга прославленному, прилёжно молимся: исцели на́ша недúги душéвныя и телéсныя, и помози нам предстáтельством¹² тво́им спасéние вéчное получи́ти, да вку́пе с тобóю воспоём Дívному во святы́х Свои́х Бóгу: Аллилу́иа.

Икос 12

Пою́ще по́двиги тво́я, блаже́нне óтче, ублажа́ем равноа́нгельное жити́е твоё, диви́мся чудотворéнием тво́им, моли́твенно почита́ем святу́ю па́мять твою́, и припада́юще к ра́це мощéй твои́х, уми́льно взыва́ем:

Ра́дуйся, Пресвяты́я Богоро́дицы досто́йный моли́твенниче.

Ра́дуйся, пещерожи́телей сла́во и похвало́.

Ра́дуйся, святы́я оби́тели твое́я, вку́пе со Анто́нием и Феодо́сием, прísное охранéние.

Ра́дуйся, подвиза́ющихся в ней благонаде́жное заступлéние.

Ра́дуйся, о приходя́щих в ню на покло́нение благи́й предстáтелю.

¹² покровительством, защитой, помощью





Рáдуйся, почитающих пáмять твою небесный покровителю.

Рáдуйся, Агáпите, душéвных и телесных недóгов скóрый целителю.

Конда́к 13

О преблаже́нне о́тче Агáпите! Ты горé на небеси́, мы же до́лу на земли́, удалённые от тебе́ не толи́ко ме́стом, коли́ко грехо́вною нечистото́ю на́шею, о́баче дерза́ем приноси́ти тебе́ сие́ ма́лое похва́льное пéние, е́же ми́лостивно прие́мь, моли́ Го́спода и Влады́ку на́шего изба́вити нас поги́бели вéчныя и сподо́бити блаже́нства святы́х, вопиющих Ему́ вéчно хвале́бную пéснь: Аллилу́иа.

(Этот конда́к читается трижды, затем йкос 1 и конда́к 1.)

Моли́тва

О всеблаже́нне Агáпите, земный а́нгеле и небесный челове́че! Припада́ем к тебе́ с ве́рою и любóвию и мо́лим ти ся приле́жно: яви́ нам, смире́нным и грéшным, свято́е своё заступле́ние: се бо грех ра́ди на́ших не й́мамы свобо́ды чад Бо́жиих проси́ти о потре́бах





наших Господа и Владыку нашего, но тебе, молитвенника благоприятна, к Немѹ предлагаем и просим ты со усердием многим: испроси нам от благодати Его благопотребныя¹³ дары душам и телесем нашим: веру праву, любовь ко всем нелицемерну, в злостраданиях терпение, тяжкими болезнями одержимым от недугов исцеление, под бременем скорбей и напастей неудобноносимых падающим и жития своего отчаявшимся, твоими молитвами получить скорое облегчение и избавление сподоби.

Не забуди, блаженне отче, обитель твою святую, присно ты чтущую, и всех живущих и подвижающихся в ней и на поклонение в ню приходящих, и соблюди их невредимыми от искушений диавольских и всякаго зла. Егда же приспееет наше от временнаго сего жития отшествие и к вечности преселение, не лишй нас помощи твоея небесная, но молитвами твоими всех нас приведи в пристанище спасения и наследники яви нас быти всесвѣтлаго Царствія Христова, да по-

¹³ удобные, необходимые (Псал. 31,6; 2 Тим. 4,11)





ём и сла́вим неизрече́нныя щедро́ты человеколю́бца Бо́га, Отца́, и Сына, и Свята́го Ду́ха, и твоё вкúпе с преподо́бными Анто́нием и Феодо́сием оте́ческое заступле́ние во ве́ки веко́в, ами́нь.

Моли́тва иная

О преподо́бне и Богонóсне óтче наш Ага́пите! Слугó Бо́жий преизря́днейший, чудотво́рче и врачу́ всеми́лостивый, всем с ве́рою и любо́вию ты призыва́ющим ско́рый помо́щниче и тёплый засту́пниче. Яко свети́льник пресве́тлый, ты просия́л еси́ жити́ем добродете́льным в гора́х киевских на па́жити Богома́тери: те́мже припа́дающе к ра́це многоцеле́бных моще́й твоих, со стра́хом покланя́емся и лю́бовию лобыза́ем, из глубины́ се́рдца к тебё взыва́я: помози́ нам, уго́дниче Бо́жий, помяни́ нас пред Го́сподем и испроси́ нам от Него́ оставле́ние согреше́ний на́ших во́льных и нево́льных, в недúзех стра́ждущим ско́рое исцеле́ние пода́ждь, путеше́ствующим заступле́ние, скорбя́щим утеше́ние, бе́дствующим по́мощь и избавле́ние и вся потре́бная





ко спасенію. Яко да твоими, отче, святыми молитвами получивше благодать и милость от Всемилостиваго Спаса и Господа нашего Иисуса Христа, возвеличим и прославим препетое имя Его, Емуже со Отцем и Святым Духом слава и держава во веки, аминь.

Величание

Ублажаем тя, преподобне отче наш Агápите, и чтем святую память твою, наставниче монахов и собеседниче Ангелов.





Песнь 7

Ирмосъ: Росодательну ўбо пещь содела Ангел, преподобным отрокомъ, халдѣи же опалѣющее велѣние Божіе, мучителя увещѣ вопіти: благословѣн еси, Боже отецъ нашихъ.

Дарованіе имый свѣше недуги исцѣляти, преподобне, боляща мя небреженіемъ благихъ дѣяній уврачуѣй, якоже иногда принесеннаго в недугѣ уврачевалъ еси, молитвою подавъ томъ здравіе, и воспѣвъ: благословѣн Богъ отецъ нашихъ.

Чудодѣйствуя святыми твари Создатель, внезапно постаѣви ты здрава предъ злочестивымъ, иже видѣвъ, удивился скорому твоему от болѣзни в здравіе премененію. Мучима мя ѣзвами студныхъ делъ, во измененіе исправленія приведи, твоимъ, отче, свѣше посещеніемъ, да пою: благословѣн Богъ отецъ нашихъ.

Болѣзнь твоѣя и зѣліе снѣдно понуди исповѣсти врачѣ свое злочестіе, егѣже укорилъ еси, яко дерзну осязати святую твою руку: се держю и азъ тебѣ, отче, приступити, но молю тя, не отрини мя в нуждахъ моихъ, да пою: благословѣн Богъ отецъ нашихъ.





Сла́ва: Трудѡвъ своихъ собра́въ плоды́ съ веселиемъ, а́ки добр земледѣлецъ, блаже́нною кончи́ною отше́лъ еси́ къ го́рнимъ, при́яти отъ Христа́ Бо́га да́яние, и при́ялъ еси́ отъ Него́ неконча́емую ра́дость, многочу́дне Ага́пите.

И ны́не: Къ Твоему́ приста́нищу прибега́емъ, Богоневѣ́стная Де́во, носи́ми житѣ́йскихъ страсте́й волна́ми, я́же Ты укроти́, да воспо́емъ Тебе́: ра́дуйся, приста́нище житѣ́йскихъ пла́ваний.

Песнь 8

Ирмо́с: Из пла́мене преподо́бнымъ ро́су источи́лъ еси́, и пра́веднаго же́ртву водо́ю попали́лъ еси́: вся бо тво́риши, Христѣ́, то́кмо е́же хотѣ́ти. Тя превозно́симъ во вся вѣ́ки.

Врачъ былъ еси́, о́тче, предивенъ, теле́сныя болѣ́зни врачу́я въ жи́зни сей живы́й теле́мъ, по кончи́не же тво́ей душе́вное врачевство́ подава́я, я́коже сие́ на армени́не яви́лъ еси́, души́ того́ давъ цельбу́ и ко благоче́стию наказа́ние.

Ви́девъ тя, свя́те, армени́нъ въ видѣ́нии чу́дномъ, испове́да я́сно, я́ко святъ еси́ и преподо́бенъ: и въ ве́ру из невѣ́рія прело́жся, бысть





інок твоім направлєніем, егѡже и нас не лишї поющихъ Гѡспода во вѣки.

Мнѡгое имѣй дарованіе, чудодѣйствовал есї, исцеляя болящихъ, ныне же, сподѡбившїся бѡльшихъ дарованїй, приложї плѣстырь на раны души моея, да получїв ослабу, превозношү Гѡспода во вѣки.

Слѡва: Из пламеновїднаго свѣта, святѣм струї благодѣти подай, Христѣ Бѡже, палящїя мя стрѣсти угасї щедрѡт твоїхъ росѡю, разгоняя тму страстѣй: се бо преподѡбный мѡлит с нами Тебѣ Гѡспода, превозносімаго отъ всехъ во вѣки.

И ныне: Просветївшая миръ Пречїстымъ Рождествѡмъ Твоімъ, мрѣк злодеянїя моего разженї, изливая мнѣ на благотворенїе щедрѡтъ Твоїхъ богѣтую мїлѡсть, да превозношү Тя, Мѣтерь Бѡжію, во вѣки.

Песнь 9

Ирмосъ: Бѡга человекомъ невозможно видѣти, на Негоже не смѣютъ чїни ангельстїи взирѣти; Тобѡю бо, Всечїстая, явїся человекомъ Слѡво воплощенїю, Егѡже величающе, с небесными воїи, Тя ублажаемъ.





Богодарованнаго целѣбника¹⁴ людие имѹще, никтоже да грядѣт к сѹетным врачѣм, ѿже имѣние и здравіе вреждают, но трѣбуяй с вѣрою: да грядѣт к раце Богонѡснаго отца, и тѹне приимет исцелѣние.

Мысленныя ураниша ны разбойницы ныне, неисцѣльныя ѹбо имѹще язвы, несумнѣнно к многочудѣсней припадаем раце твоѣй, преподѡбне, и просим: подаждь цельбѹ трѣбующим, да вси тя хвалим и величаѣм.

В гѡрняя душѣю возшѣд во всесветѣящияся чертоги, оставил еси, преблаженне, раку мощей своих в пещѣре: ѿмже поклоняющеся просим: подаждь недѹгом нашим исцелѣние, да ты пѣсньми величаѣм.

Слава: Помощи от тебѣ в немощех просящих не презри, но посещеніем твоим даждь душевное вкупѣ и телѣсное исцелѣние, преблаженне Агапите, яко сый врач преизящный, да вѣну ты величаѣм.

И ныне: Помощи от Тебѣ трѣбующих не презри, Дѣво, но подавай с вѣрою к Тебѣ притекающим: Ты бо еси источник цельбам не-

¹⁴ врача, целителя





оскúден, да Тя с небéсными сíлами прíсно велича́ем.

Досто́йно есть... Трисвято́е. Отче наш... Тропа́рь.

Слава и ныне... Господи, помилуй, трижды. Господи, благослови.

Моли́тв ра́ди Пречи́стыя Твоея́ Ма́тере, преподо́бных и Богоно́сных оте́ц на́ших Анто́ния и Феодо́сия, Ага́пита безме́зднаго цели́теля и прóчих чудотво́рцев Пече́рских и всех святы́х, Го́споди Иису́се Христé Бо́же наш, помилуй нас.





ЖИТИЕ ПРЕПОДОБНОГО ОТЦА НАШЕГО АГАПИТА ПЕЧЕРСКОГО

Когда преподобный отец наш Антоний Печерский был прославлен даром исцелений, пришел к нему из Киева в пещеру блаженный Агапит, ища душевного исцеления через пострижение в святой иноческий чин, и получил его.

И последовал он всей душой равноангельной жизни преподобного Антония, подвигов которого он был свидетелем; как тот великий муж, он сам служил больным и исцелял их своей молитвой, но, скрывая дар, данный его молитве, он подавал им зелие от своего кушанья, как будто оно было лекарственное. Блаженный Агапит видел это и трудился много лет, соревнуя в подвигах святому старцу. Когда кто из братии заболел, преподобный оставлял свою келию (в ней не было ничего





такого, что можно было бы украсть), приходил к больному брату и служил ему, подымая его, укладывая, вынося на своих руках и непрестанно моля Бога о спасении больного, если болезнь и длилась по воле Божией, чтоб умножить веру и молитву раба Божия Агапита. Итак, подражая подвигам преподобного Антония, блаженный Агапит сподобился быть причастником той же благодати: он исцелял молитвой своей всех больных и подавал им также зелие, которое варил себе для пищи. И за то он был назван врачом. Слух о нем распространился в городе, и многие больные приходили к нему и ухаживали здоровыми.

В то время жил в Киеве один врач, родом и верой армянин, искусный во врачевании, подобного которому прежде не бывало. Лишь осмотрев больного, близкого к смерти, он узнавал и говорил ему день и час смерти, никогда не ошибаясь при этом и не пытаясь такого человека лечить. Один из таких больных был принесен в Печерский монастырь; он был первым боярином князя Всеволода, и армянин привел его в отчаяние, предсказав ему через восемь дней смерть. Блаженный же Агапит, сотворив молитву об этом боярине, дал ему при-





нять зелие, которое сам ел, и сделал его здоровым, после чего слава о преподобном пронеслась по всей земле русской. Армянин, уязвленный стрелой зависти, стал укорять блаженного и послал в Печерский монастырь одного осужденного на смерть, которому велел дать смертного зелия, чтобы этот человек выпил его пред Агапитом и умер. Блаженный же, видя его умирающим, дал ему такого зелия, которое сам ел, творя о болящем молитву, и так избавил от смерти осужденного на смерть. С тех пор иноверный армянин еще больше был возбужден против преподобного. И научил единоверцев своих подать самому Агапиту выпить смертного зелия. Блаженный же выпил и остался невредим. Ибо Господь, сказав: «Если и что смертоносное выпьют, не повредит им», — знает, как избавлять благочестивых от искушения (2 Пет. 2, 9).

После этого заболел в Чернигове князь Владимир Всеволодович Мономах, которого усердно, но безуспешно лечил армянин. Недуг усиливался. Поэтому князь, уже находясь при смерти, послал к Печерскому игумену (тогда игуменом был Иоанн), прося прислать к нему в Чернигов





блаженного Агапита. Призвав преподобного, игумен передал ему просьбу князя. Но блаженный Агапит, которого никогда не видали выходящим из монастыря и врачующим за его пределами, отвечал со смирением: «Если я с таким делом пойду к князю, то должен идти и ко всем. Прошу тебя, отче, позволить мне не выходить из монастырских ворот для славы людской, от которой бегать до последнего своего издыхания я обещался перед Богом; если хочешь, я лучше уйду в другую страну и возвращусь сюда, когда минует эта нужда». Посланный же князем, поняв, что не удастся ему призвать к своему господину самого блаженного Агапита, стал просить его дать хоть зелия для исцеления. По уговору игумена блаженный дал посланному зелия от своей пищи; и когда оно было принесено к князю, он принял его и стал здоров молитвами преподобного.

Тогда князь Владимир Мономах пришел сам в Печерский монастырь, чтобы видеть того, через кого Господь даровал ему здоровье: он никогда не видал блаженного и хотел почтить его подарком. Но Агапит, не желая быть прославляемым на земле, скрылся, и принесенное для него золото





князь отдал игумену. В скором времени Владимир снова послал одного из бояр своих со многими дарами к блаженному Агапиту. Посланный, найдя преподобного в келии, положил пред ним принесенное. Блаженный же сказал ему: «Чадо, я никогда ни от кого не брал ничего, потому что никогда не исцелял силой моей, но Христовою; и теперь не нуждаюсь в этом». Боярин отвечал: «Отче, пославший меня знает, что ты не берешь ничего, но прошу тебя, чтоб утешить сына своего, которому Бог даровал через тебя здравие, прими это и отдай, если хочешь, нищим». Отвечал ему старец: «Если так ты говоришь, возьму с радостью. Передай же пославшему тебя, что и все прочее, что он имеет — чужое, и ничего не может он взять с собой, отходя из жизни, так пусть раздаст то нищим. Ибо Господь, который Сам находится среди нас, избавил его от смерти. Я же не сделал ничего. Прошу его не послушаться меня в том, чтобы не пострадать больше». Сказав это, Агапит взял принесенное золото, как бы для того, чтоб спрятать, вынес его из келии, бросил, а сам побежал и скрылся. Боярин же, вышедший вскоре, увидел все дары брошенными пред воротами. Он подобрал





их и отдал игумену Иоанну. Вернувшись к князю, боярин рассказал ему о блаженном все, что видел и слышал, и все поняли, что преподобный истинный раб Божий, ожидающий награды только от Него одного, а не от людей. И князь, не осмеливаясь ослушаться святого, стал щедро раздавать имение свое нищим.

После многих трудов и Богоугодных подвигов разболелся сам безмездный врач этот, блаженный старец Агапит. Узнав это, вышеупомянутый врач-армянин пришел посетить преподобного и завел с ним разговор о врачебном искусстве, спрашивая его, каким зелием лечится такой недуг. Отвечал блаженный: «Тем, которым сам Господь, как Врач души и тела, подаст здравие». Армянин понял, что преподобный не сведущ во врачевании и сказал своим: «Ничего не умеет этот человек в нашем искусстве». Потом, взяв его за руку, сказал: «Истину говорю я: на третий день он умрет. Если же переменится мое слово, тогда я перемену свою жизнь и стану сам таким же монахом». Блаженный же с гневом сказал: «Таков ли способ твоего лечения, что больше говоришь ты о смерти, чем о помощи. Если ты искусен — дай мне жизнь. Ес-





ли же это не в твоей власти, что досаждаешь мне, приговаривая меня к смерти через три дня? Бог оповестил меня, что я отойду к Нему по истечении трех месяцев». Армянин снова сказал: «Ты уже весь изменился; такие, как ты, не живут никогда дольше третьего дня». Старец так изнемог, что уже сам не мог двигаться.

Между тем, к преподобному Агапиту, самому столь тяжело больному, принесли из Киева другого немощного для исцеления. Блаженный пречудной Божией помощью встал, как будто бы не болел, и, взяв свое обычное зелие, которое употреблял в пищу, показал армянину со словами: «Вот зелие, которое служит мне лекарством. Смотри и разумей». Тот же, посмотрев, сказал святому: «Оно не из наших, но, думаю, из Александрии». Блаженный посмеялся над его невежеством, дал больному выпить того зелия и, помолившись, сделал его здоровым. Потом он сказал армянину: «Чадо, прошу тебя, поешь этого зелия со мной, если хочешь; потому что мне нечем угостить тебя». Отвечал ему армянин: «Мы, отче, постимся четыре дня этого месяца, и теперь пост». Услыхав это, блаженный спросил: «Кто ты и какой веры?»





Он отвечал: «Разве ты не слыхал обо мне, что я армянин?» Блаженный сказал ему: «Как же ты осмелился войти сюда, осквернить мою келию и держать мою грешную руку. Выйди от меня, иноверец и нечестивец!»

После этого блаженный Агапит, как предсказывал, прожил три месяца и, немного поболев, отошел к Господу месяца июня в первый день. И за то, что он был на земле безмездным врачом, получил великую мзду уже на небе, где нет болезни. Братия, опрятав его честные мощи, по обычаю положили их с пением в пещере преподобного Антония.

По смерти святого армянин пришел в Печерский монастырь и сказал игумену: «С этих пор я оставляю армянскую ересь и истинно верую в Господа Иисуса Христа, Которому желаю работать в иноческом святом чине. Ибо мне явился блаженный Агапит, говоря: «Ты обещался принять иноческий образ, если же солжешь, то с жизнью погубишь и душу». И я верую, что явившийся ко мне — свят; потому что, если б хотел он долго жить здесь, Бог даровал бы это ему; я думал, что он не проживет и трех дней, Бог же прибавил ему три месяца, и,





если б я сказал, что ему не прожить трех месяцев, он жил бы три года. И я думаю теперь, что он сам хотел уйти от нас, как святой, желая Царствия святых. И если Бог взял его из временной жизни в этой обители, Он дал ему жизнь вечную в Небесных обителях. Поэтому я желаю исполнить скорее приказание этого святого мужа». Выслушав эти слова от армянина, игумен постриг его в иноческий святой чин, дав наставление врачу чужих тел быть искусным во врачевании своей души, подражая блаженному Агапиту. Армянин провел жизнь свою в Богоугодных подвигах, и в том же Печерском монастыре принял блаженную кончину в честь Врача душ и телес Господа нашего Иисуса Христа, Ему же слава со Безначальным Его Отцом, и со Пресвятым, Благим и Животворящим Духом, ныне и присно, и во веки веков. Аминь.



**КАНОН
С АКАФИСТОМ**
ПРЕПОДОБНОМУ ОТЦУ НАШЕМУ
АГАПИТУ
ПЕЧЕРСКОМУ ЧУДОТВОРЦУ

Акафист отредактирован согласно правилам
церковно-славянского языка
и догматическому и нравственному учению
Православной Церкви

Редактор протоиерей Роман Матюшенко
Корректоры Е. Б. Кудрявцева, В. А. Карноза
Оригинал-макет А. В. Тригуба
Дизайн послушника Василия Новикова и А. В. Тригуба

Издательство Киево-Печерской Лавры
г. Киев, ул. Лаврская, 15, корп. 65.
Подписано к печати 25.12.2008. Заказ № 20081202.
Формат 42×29,7/8. Бумага офсетная.
Гарнитура школьная. Печать трафаретная

